



Manifest

Oz, ils 10 da november 2018 a las 16.00, 100 onns suenter la fin da l'Emprima Guerra mundiala, ch'aveva destrui per decennis la civilisaziun europeica, n'ans regurdain nus betg be simplamain da l'istorgia, ma nus prendain noss avegnir sezs enta mauns.

Igl è ur' e temp da realisar l'empermissiun da l'Europa e da sa regurdar a l'idea da la fundaziun dal project europeic da reconciliaziun.

Nus declerain tuts che en quest mument è en l'Europa, sco citadinas e citadins da la Republica europeica. Nus acceptain nossa responsabladad per la ierta universalada da la Decleranza universalada dals dretgs umans ed empermettain solennamain da realisar els finalmain.

Nus essan conscients che la ritgezza da l'Europa sa basa sin tschientineras da l'explotaziun d'auters continents e da la suppressiun d'autras culturas. Perquai partin nus noss terrain cun quels che nus avain stgatschads dal lur. European è tgi che vul esser quai. La Republica europeica è l'emprim pass sin la via vers la democrazia globala.

L'Europa dals stadis nazionals ha fatg naufragi.

L'idea dal project europeic da reconciliaziun han ins tradi.

Il martgà nazional e l'euro senza in tetg politic han svelto pudì daventar la preda d'in' agenda neoliberala che cuntradi a l'idea da la giustia sociala.

Perquai ston ins conquistar la pussanza en las instituziuns europeicas, per furmar il martgà cuminaivel e la munaida cuminaivla en ina democrazia europeica cuminaivla.

Europa vul dir: unir umans – e betg integrar stadis.

La suveranità da las citadinas e dals citadins remplazza ussa quella dals stadis. Nus fundain la Republica europeica sin il princip da l'egualità politica universalada independent da nazionalità e derivanza. Ils portaders constituziunals da la Republica europeica èn las citads e las regions. Il di è vegnì che la multifariadad culturala da l'Europa sa manifesteschia finalmain en unitad politica.

Il Cussegl europeic è relaschà.

Il Parlament europeic è la legislativa.

El elegia ina regenza europeica ch'è obligada a la prosperità da tuttas citadinas europeica e da tuts citadins europeics.

Eviva la Republica europeica!